

法政大学学術機関リポジトリ

HOSEI UNIVERSITY REPOSITORY

PDF issue: 2024-10-06

0004克復金陵稿撫署恭抄

---

克復金陵奏稿

撫署恭抄

六五

留辦金陵軍務頭品頂戴浙江巡撫部院曾為咨請  
事竊照官軍攻克金陵本部業將大概情形於十六日亥  
刻會銜馳

奏在案嗣據各統領稟稱此次攻城勦洗老巢之難與悍  
賊拚死鏖戰之苦實為久歷戎行者所未見自得天堡城  
後城中防守益密地堡城扼住隘口百計環攻無隙可乘

直至五月三十日始經李祥和羅逢元王遠仁黃潤昌陳壽武熊上珍王仕益等率隊攻克占取龍膊子山陰居高臨下勢在掌握自六月初一日起令各營輪攻傷亡極多李臣典偵知城內米麥尚足支持數月又見我軍地道三十餘穴都已無成官軍五萬餘人筋力將疲若不趁此攻克事久變生深為可懼李臣典願率吳宗國等從賊礮最

密之處重開地道蕭孚泗黃潤昌熊登武王遠和願距城十數丈修築礮台數十座通派各營隊伍刈割溼蘆蒿草堆積山上覆以沙土左路地勢甚高利於聲攻右路地勢甚低利於潛攻如是者半月未嘗一刻稍休肉薄相迫損傷精銳不可勝數總兵陳萬勝王紹羲郭鵬程等素稱驍將數日之內次第陣亡尤堪憫惻十五夜四更地道裝葯

之時曾將本部院與李臣典正在洞口籌商一切忠酋李  
秀成突出死黨數百人裝官軍由太平門傍城根直犯地  
道大壘別從朝陽門東角出數百人裝官軍號衣持火蛋  
延燒各礮壘及附從溼蘆蒿炒官軍久勞之後夜深幾為  
所乘賴伍維壽李臣典黃廷爵張詩日堵往左路斃賊無  
算彭毓橘熊上珍陶立忠等堵殺右路挫斬亦多幸克保

往南衙鐵橋巷口

全洞口十六早嚮明本部院將四路隊伍調齊預飭各軍  
穩站牆濠嚴防冲突惟將太平門龍膊子一帶自黎明攻  
至午刻李臣典報地道封築口門安放引線本部院懸不  
費之賞嚴退後之誅劉連捷朱洪章武明良伍維壽熊登  
武陳壽武李臣典張詩日各率營官席地敬聽願具軍  
令狀誓死報國本部院因該將官等其氣甚壯其志弥

堅遂傳令即刻發火霹靂一聲揭開城垣二十餘丈烟塵  
蔽空磚石滿谷武明良伍維壽朱洪章譚國泰劉連捷張  
詩日沈鴻賓羅雨春李臣典等皆身先士卒直衝倒口而  
入各弁勇蟻附齊進銳不可當而左路城頭之賊以火葯  
傾盆燒我士卒死者甚眾大隊因之稍却經彭毓橘蕭孚  
泗李祥和蕭慶衍蕭開印等以火月手刃數人由是弁勇

無一退者而武明良伍維壽朱洪章劉連捷譚國泰張詩  
日等各率隊伍登龍廣山與右路太平門之賊排列轟擊  
移時賊乃却退李祥和王仕益從太平門月城攻入羣賊  
知此項地道缺口不復似前此之可以堵禦矣維時官軍  
分四路勦擊王遠和王仕益朱洪章羅雨春沈鴻賓黃潤  
昌熊上珍等進擊中路攻偽天王之府北劉連捷張詩日

譚國泰崔文田等進擊右路由台城趨神策門一帶適朱南桂朱惟堂梁美材等亦率隊從神策門地道之旁梯攻而入相與會合齊進兵力益厚直鏖戰至獅子山奪取儀鳳門其中左一路則有彭毓楨率羅朝雲趙清河黃在南與武明良武明善武義山等由內城舊址直擊至通濟門左路則有蕭孚泗熊登武蕭慶衍蕭開印率蕭致祥周恒

禮李泰山蕭清世蕭恒書朱吉玉趙太和劉長槐蕭上林等分途奪取朝陽洪武二門城上守陴城門守樓之賊及附近一帶賊隊悉被殺截其抄截之疾馳各路同一神速其留兵置守各門同一布置此十六日地道成功城中鏖戰及東北兩路抄勦之情形也方我軍大隊之抵龍廣山也西南守陴之賊猶植立未動迨奪下朝陽門賊始亂次

而羅逢元張定魁彭椿年張光明楊西平周鳴高彭光友  
熊紹濂羅興祥葉必信等各率所部從聚寶門之西舊地  
道缺口仰攻而入李金洲胡松江朱文光武交清劉湘南  
易孔昭戴名山張正榮等率隊從通濟門月城緣梯而上  
陳湜易良虎易良豹龍清垣率吳隆海張葉江晏恭山馮  
盛德陳汝俊劉定發各營則猛攻旱西水西兩門月城偽

忠王李考成方率死黨將嚮旱西門奪路冲出適為陳湜  
大隊所阻遏乃仍轉回清涼山江南提督黃翼升率許雲  
發等水師各營攻奪中關攔江礮石壘乘勝猛攻濱江之  
城遂與陳湜易良虎等奪取水西旱西兩門將守賊殲盡  
由是全城各門皆破大勢已定日色將暝陳湜易良虎遂  
見忠首賊隊隱匿於西南房屋如鱗之內益戒所部嚴防



賊冲彭毓橘置守聚寶門通濟門李臣典李祥和扼守太平門黃潤昌王遠和朱洪章等見星收隊結為圓陣站立龍廣山稍資休息此水陸各軍攻克西城南城分守要隘預防賊股冲突之情形也方朱洪章與賊搏戰於偽天府城北之時沈鴻賓周恒禮袁大升等率隊從左路捲旂疾趨繞偽城之東設伏出奇為擒渠掃穴之計迨朱洪章

戰馬帶傷悍賊穩扼石橋我軍隊伍不能飛越城河繞偽城之東西當日暮苦戰之後正兵收隊龍廣山而伏兵深入由偽城之東逶迤而南不能收隊時已三更矣偽忠王傳令羣賊將偽天府及各偽王府同時舉火焚燒偽宮殿火葯冲霄烟燄滿城袁大陞周恒禮沈鴻賓等見偽殿前南門突出悍賊千餘人持執軍器洋鎗向民房街巷而走

知是洪首冲至民房。遂率隊腰截擊之。殺賊七百餘人。奪偽玉璽二方。金印一方。寬廣約七寸。即洪首僭用之印也。其偽宮殿侍女。縊於前苑內者。不下數百人。死於城河者。不下二千餘人。其時偽城火已燎原。不可嚮邇。街巷要道。賊均延燒塞衢。官軍以暮夜路徑生疎。不能巷戰。遂收隊站城。此十六夜攻破偽天王內城。斃賊極多之情形也。是

夜四更有賊一股。假裝官軍號衣。號補。手持軍器洋鎗。約千餘人。向太平門地道倒口冲突。經崑字相後左右守口各營截擊。多用火桶火蛋。焚燒人馬。死者極多。約有六七百人。騎馬冲出。向孝陵衛定林鎮一路而走。伍維壽楊鉞南陽立忠等率馬隊飛追。據生擒賊供。有云忠王已帶傷。死於城內者。有云偽幼主業已積薪宮殿舉火以自焚者。